

四庫全書

集部

欽定四庫全書

聖祖仁皇帝御製文集卷三十七目錄

古今體詩四十首

巡幸遼陽

駐蹕遼陽夜深對月用唐太宗遼城望月詩原

韻

廣祐寺

八千山

祖樾寺

龍泉寺

行殿讀書示翰林侍講高士奇

登澄海樓觀海

端陽前一日回宮

機政偶暇輒留意書法漫成

夏日瀛臺許奏事諸臣網魚攜歸

賜大學士杜立德并序

賜大學士馮溥并序

西山駐蹕夜聞秋聲

玉泉山晚景用唐太宗秋日韻

秋日紫光閣閱射

九日幸景山登高

大閱

海東青

曩因見雁念征南將士曾題截句今禁旅凱旋

聞雁再作

再遊盤山

見案頭水仙花偶作二首

黃金臺懷古

自長城嶺至臺懷

顯通寺

殊像寺法相最異

駐蹕靈鷲峰文殊寺

天花

登望海峰

北臺眺望

娑羅樹歌

趙北口

水淀雜詩四首

南苑

初夏玉泉山二首

金定四庫全書	卷三十七目錄
--------	--------

欽定四庫全書

聖祖仁皇帝御製文集卷三十七

古今體詩四十首

巡幸遼陽

肅將軒駕向遼陽
暖日晴薰百草芳
照野山川皆動色
掀天旌旆自生光
林間蒼蘚侵人徑
城上新花綴女牆
欲問襄平舊郭郭
千年華表鶴飛翔

駐蹕遼陽夜深對月用唐太宗遼城望月詩原韻

夜氣澄炎景清光渡海碣流雲漸稀朗繁星繁如綴蟾
殿魄初明冰輪影未缺懷古聽行漏素心良蘊結曠然
望九霄妖氛盡殄滅

廣祐寺

禪宮多歲月瑞塔積風烟翡翠苔碑暗珠璣寶相傳
駟簷來紫鵠湧地出青蓮微雨輕埃洗茲晨興獨偏
於寺創

時中有自
來佛像

入千山

曉入千山路烟光織翠蘿崎嶇緣石磴宛轉歷巖阿樹
杪朱旗出藤陰玉勒過物華看亦好景色愛清和

祖樾寺

青山橫古寺羽旆陟層巔地僻茅堂小橋危石徑穿夏
條含嫩葉春卉發餘妍寂寞空林午時聞鐘磬傳

龍泉寺

狹徑纔容騎香臺欲起龍懸崖千仞落斷碣百年封泉
細通幽壑庭深暗古松臨高一騁望積翠靄重重

行殿讀書示翰林侍講高士奇

六御東巡海上回夜深思古帙重開秘書日日隨行幄
玉輦前頭珥筆來

登澄海樓觀海

危樓千尺壓洪荒騁目雲霞入渺茫吞吐百川歸領袖
往來萬國奉梯航波濤滾滾乾坤大星宿煌煌日月光
閬苑蓬壺何處是豈貪漢武覓神方

端陽前一日回宮

滿路榴花映玉輿
鑪烟香繞侍臣裾
經時遠道彤闈隔
先向

慈寧問起居

機政偶暇輒留意書法漫成

紫宸喚仗曉初散
坐挹朝爽浮南榮
時平偶得機政暇
觚稜浮影風日清
盤螭畫几青玉色
迴鸞素紙雪繭明
臨池試作波折勢
染翰聊適優閒情
體安要使結構密
志一始覺風神生
心手調娛本非易
筌蹄脫落寧有程

古來聖學亦游藝別具妙詣非形聲

夏日瀛臺許奏事諸臣網魚攜歸

西苑頗幽邃崇臺俯畿甸鮮雲陰修廊南薰披廣殿水
木既周遭卉物亦蔥蒨嵐光翠欲流林暉清可薦於茲
滌煩暑敢曰恣游衍眺遠暢陽和居高協靈輿朝來覽
封事灑灑意忘倦高閣晝漏移彤墀集羣彥靖共往汝
諧勤劬答予眷姑為池籩遊從容任所便投綸錦鬣飛
舉手纖鱗見委蛇退食心庶幾娛式燕

賜大學士杜立德并序

內閣大學士杜立德弼亮老臣綸扉久重引年請歸
陳乞至再遐心既固未可勉留詩以送之用申繼綬
之懷

十載資賢佐勞深致太平訐謨留紫闥風度重丹楹方
倚鹽梅略難違邱壑情餐芝黃綺伴軒冕有餘清

賜大學士馮溥并序

內閣大學士馮溥贊襄密勿著有勞勩乃以高年數

請歸老念深箕顙頓謝簪紱悵別之心聊書四韻
環海銷兵日元臣樂志年草堂開綠野別墅築平泉望
切巖廊重人思霖雨賢青門歸路遠逸興豁雲天

西山駐蹕夜聞秋聲

西風吹長林木葉響如雨起視山月高浮雲無一縷

玉泉山晚景用唐太宗秋日韻

晴霞收遠岫宿鳥赴高林石激泉鳴玉波迴月湧金薰
鑪籠竹翠行漏出松陰坐愛秋光好翛然靜此心

秋日紫光閣閱射

碧漢層雲歛金風別館開騶虞賓射禮士馬羽林材隊
引花間入鑣分柳外催桓桓心膂寄堪許屬車陪

九日幸景山登高

秋色淨樓臺登高紫禁隈千門鳴雁度萬井霽烟開翠
拂鑾輿上雲隨豹尾來佳辰欣宴賞滿泛菊花杯

大閱

南苑風高水潦收旋催羽隊肅貔貅九天鼓吹鳴金鑼

萬乘旌旄擁翠蚪馬足過時殘雪盡鑾聲迴處朔雲浮
宣威端在承平日自昔經邦有大猷

海東青

羽蟲三百有六十神俊最數海東青性秉金靈含火德
異材上映瑤光星軒昂時作左右顧整拂六翮披霜翎
期門射生諳調習雄飛忽掣黃條鈴勁如千鈞激砮石
迅如九野鞭雷霆原頭草枯眼愈疾砉然一舉凌高冥
萬夫立馬齊注目下逐鳥雀無留形爪牙之用安可廢

有若猛士清郊垌
瞭鷹隼臺存勝蹟佳名豈獨標禽經
曩因見雁念征南
將士曾題截句今禁旅凱旋聞

雁再作

上林秋曉淨烟霏
每聽征鴻憶授衣
此日諸軍齊奏凱
銜書不用更南飛

再遊盤山

薊州城北黃崖前
水甘土厚多平阡
崇山特起矗霄漢
枯栢夾路陰參天
回巒複嶂倍娟秀
幽林邃谷時黃緣

雲藏古寺行未到樹杪先有鐘聲傳數峰突兀勢陡絕
上迫箕尾雙星躔我我石狀獸蹲立因風搖曳如空懸
深潭清冷那可測知是百尺神龍淵鉢泉恍惚有海眼
潮井呼噏通百川不然泛濫亦易挹何為萬古清涓涓
神工融結天巧鑿更騁遠目窮高巔漁陽古郡最阻阨
屹為左輔雄幽燕即今交河遠置候此實堂奧非臨邊
太平粗喜有端緒石根沙磧皆原田偶茲登陟聊駐旃
用寄襟抱題斯篇

見案頭水仙花偶作二首

翠帔絳冠白玉珎清姿終不汙泥沙騷人空自吟芳芷
未識凌波第一花

其二

冰雪為肌玉鍊顏亭亭如立藐姑山羣花只在軒牕外
那得移來几案間

黃金臺懷古

昭王禮賢士築館黃金臺矯矯昌國君奮袂起塵埃下

齊七十城聲振滄海隈
汶篁植薊邱豈曰非雄才
遺跡雖榛蕪千載猶低徊
市駿固有術貴在先龍媒
但得一士賢可以收羣材

自長城嶺至臺懷

山行竟日夕風景一以殊
萬馬魚貫前宛若登天衢
雲際冠層峰雪外辨修途
叢卉未甲坼寒禽互喧呼
曲澗響環玦空籟鳴笙竽
縱之綺麗觀烟蘿澹相娛
流覽多所欣未覺道路紆
五臺遙入抱鬱鬱誠靈區
翠微未及

上身已臨清都佳氣愜遐賞曠懷抗遠圖陶唐此故土
餘澤仍漸濡刻玉緬往迹遊河景前模載詠蟋蟀吟遺
風今有無

顯通寺

蘭若翠微重諸天第一峰金輪開漢日紫府覓仙宗雪
映交牕迴雲封閣道濃夕陽松影外處處報疎鐘

殊像寺法相最異

五髻瞻殊像千花聚法筵經營思哲匠髣髴見初禪縹

馬明霞外燃燈畫壁前不須仙梵放清磬已冷然

駐蹕靈鷲峰文殊寺

地敞層臺近林開法象遙香泉分乳鉢佛火簇松寮紺
馬迎鑾入珠幢引隊飄竺蘭遺跡在選勝歷山椒

天花

靈山過雨萬松青朶朶絢雲摘翠屏玉笈重緘勒飛騎
先調六膳進

慈寧

登望海峰

誰駕鰲為柱神州左一方重關連委粟半夜豁扶桑曉
散嵐光白晴收水氣黃瀛壖不可極萬里自蒼茫

北臺眺望

絕磴摩羣峭高寒逼斗宮鐘鳴千嶂外人語九霄中朔
雪晴猶積春冰暖未融憑虛看陸海此地即方蓬

娑羅樹歌

娑羅珍木不易得此樹惟應月中植想見初從西域移

山中有人多未識海桐結蕊松枯形千花散盡七葉青
山禽迴翔不敢集虛堂落子風泠泠楚州遺碑今已偃
我睂雪外雙林遠未若茲山近可遊靈根終古蟠層巘
繁陰亭午轉團團回睇精藍路幾盤憑教紫府仙山樹
寫入披香殿裏看

趙北口

趙北時巡至燕南古戍聞人烟生曉市橋影漾晴雲浴
鳥迎船出垂楊隔浦分中流清賞洽簫鼓陋橫汾

水淀雜詩四首

輕舟十里五里垂柳千絲萬絲忽聽農歌起處滿村紅
杏開時

其二

春水船行天上冷風雨過田家深樹幾聲布穀晚晴千
縷明霞

其三

銜泥雙燕沙際喚雨單鳩樹頭昨夜桃花新水鯉魚躍

入蘭舟

其四

為愛沙明水遠更看柳
顰花新草木禽魚咸若
河山民物同春

南苑


十里郊南路紅門啓上
林歲時蒐狩禮畎畝豫
遊心羽仗連花影帷宮
接柳陰鳳城回首望縹
緲五雲深

初夏玉泉山二首

別館依丹麓疎簾映碧莎
泉聲當檻出花氣入垣多
路轉溪橋接舟沿石竇過
薰風能阜物藻景已清和

其二

山翠引鳴鑣湖光漾畫橈
野雲低隔寺沙柳暗藏橋
百轉黃鸝近雙飛白鷺遙
今年農事早時雨足新苗



聖祖仁皇帝御製文集卷三十七

欽定四庫全書

集部

聖祖仁皇帝御製文集卷

三十八至
四十

臣永瑤恭校

侍讀臣孫球覆勘

覆校官中書臣施光輅

校對官助教臣胡子襄

騰錄貢生臣吳紹昆

欽定四庫全書

聖祖仁皇帝御製文集卷三十八目錄

古今體詩四十五首

夏日奉

太皇太后避暑興安

石盤峪龍潭

白水

古北口

曉發古北口望霧靈山

第一泉

次上都河

青城道中

九隘

塞外對雨

紅川

駐蹕興安八首

并序

巡歷塞北雜詠四首

楊川

細河

塞北早秋

興安夜

次楊嶺北

過團河

次石山

尖峰山谷口作

三道河晚望

黃草川

回鑾抵古北口

中秋日聞海上捷音

是夜對月再成絕句

賜施烺詩并序

九日對菊

秋日再過阜平

再駐龍泉關

冬日重登清涼山

詠馬

初冬自五臺回次日雪

盆中橘實甚繁詠此

台灣平告祀

孝陵有述

欽定四庫全書

聖祖仁皇帝御製文集卷三十八

古今體詩四十五首

夏日奉

太皇太后避暑興安

玉輦親扶出鳳城
青霄遙指五雲生
鳴鑾日映中天永
避暑風來北塞清
萬里山河通遠徼
九邊形勝抱神京
登臨但得

慈顏喜長侍瑤臺歲歲行

石盤峪龍潭

谷轉盤千騎潭深靜一泓魚迎斜照出禽雜野風鳴捫
石苔偏滑分流水益清悠然愜心賞歸路月華生

白水

亂峰迴合古檀州白水雲根一道流誰信塞垣圖畫似
涼風斜日放漁舟

古北口

斷山踰古北石壁開峻遠形勝固難憑在德不在險

曉發古北口望霧靈山

流吹凌晨發長旂出塞分遠峰猶見月古木半籠雲地迴疎人跡山迴簇馬羣觀風當夏景澗草自含薰

第一泉

峻阜橫岡紫塞連羽林衛士宿三千閒聽鼓角空山裏月上長城第一泉

次上都河

磧裏水潺潺前旌杳靄間長風吹海月一夜照關山虎
旅嚴宵衛星宮列從班高峰望縹緲明發欲躋攀

青城道中

雲屯萬騎汗沾濡不謂涼風滿上都行到青城瘳色喜
恍疑人影濯冰壺

九隘

合沓羣峰接潏洄九隘通片雲晴作雨高樹午多風磧
近扶珠憶沙平驟玉驄凌歊何用築三伏杪秋同

塞外對雨

奮雷殷殷鳴大澤飛雨千山萬山白草色花香濯更新
荒岡處處流泉脈回望神京接塞雲雨聲應得四郊聞
黍苗翼翼平疇遠多少農人話夜分

紅川

紫塞紅川接上京晝閒雉尾暑風輕茅茨不改階三尺
臺殿何須築九成谷鳥羣飛林欲暮邊花齊發雨新晴
試看屬國歡娛日大漠虛烟處處生

駐蹕興安八首 并序

出古北口岡巒盤互地形漸高行五百里至興安峻
嶺竦峙自張家口蜿蜒而來橫亘塞外南北諸山盡
出其下地當蒙古諸部道里之中為曩昔枕戈擐甲
戰爭之所迨我

列祖肇握乾符恢廓天緒德威所被四十八部罔不傾
心內附古之甌脫今隸方輿癸亥夏六月奉

太皇太后避暑來游駐蹕於此炎歊不至清風滿林山

雨既濡萬卉齊發於時遠邇小大藩臣各率其屬趨
侍行殿既于苗以講武事復燕衍以懷遠人撫此遐
陬在禹迹方行之外聲教四訖皆

祖功

宗德之貽朕今紹祚獲際昇平能無永念乎即事書懷
得詩八首

祖德隆

三后

天心廓九圀謳歌通毳幕風雨想戎衣一自車書合長
看職貢歸黃圖無內外時邁有光輝

其二

特奉

仙輿出晴巒駐羽旄風多停彩扇驛遠進冰桃麗草金
蓮湧塞上多金蓮花較清涼山尤勝濃陰碧樹高壩臺新月上廣樂奏

雲璈

其三

重嶺疊雲烟旌旗拂塞天
草香薰翠幄花暖接紅川
雁磧長城外龍荒勝地傳
回瞻亭障遠千里抱幽燕

其四

六月浮埃淨高居暑氣消
千山低接帳萬木迴凌霄
地擁邊沙闊天臨塞曲遙
封章達行在銀燭東涼宵

其五

虎戟閒清候逍遙覽物華
烟籠千樹柳暑發四時花
風土喧涼異山川道里賒
濯枝新雨歇皎皎散飛霞

其六

地脈連荒服山形赴上陁炎歊移月令分野別星經樺
屋參皐白松林斷續青雲沙一萬里屬國盡來庭

其七

邊雲澄霽色山翠點行衣馬引雕弓過禽連羽箭飛旌
旗開一面草樹入長圍我武當蒐狩非因耀德威

其八

紫塞行巡日琯輿問俗年大庖陳折俎仙醴秩初筵屏

翰金湯壯光華賜予宣示慈良有意裒對在數天

巡歷塞北雜咏四首

疊嶂層崖一綫開
草深徑路絕塵埃
龍沙雨後灤河水
日夜朝宗入塞來

其二

雲開灌木萬山清
縹緲前旌拂曉星
漫道窮荒人跡少
幾家烟火簇邊庭

其三

職方風土有遺書問俗今還一駐車
木黍近來耕稼滿
烟鋤雲鋪遍新畬

其四

塞北風多露氣涼
幔城坐聽漏聲長
只今六月渾無暑
已見飄來木葉黃

楊川

塞柳多於薺清川
逐望平西風吹幾日
碎葉欲成城

細河

一水沙岡外回流甲帳前日長時飲鹿風至忽聞蟬梭
葉鋪涼殿松花落細旃從來銷夏地未勝此中偏

塞北早秋

萬馬邊聲合千旂障口開霜威隨出塞秋色壯登臺雁
度連營去鷹呼絕燮回蒼茫雲海月永夜照龍堆

興安夜

連峰橫亘塞東西緹幕高臨百尺梯坐覺銀河天際近
仰看珠斗夜深低

次楊嶺北

半嶺黃雲合新涼畫角聞
羴羊沙草外落日自為羣

過團河

遠水團沙白溫風絕塞收
三星流火夕已擁翠雲裘

次石山

涼生旌羽露華溥畫角聲高夜未闌
行幄不知三伏過
仗前翻覺六軍寒

尖峰山谷口作

塞山秀出亦娟娟
細路穿林碧磴懸
却為晚來飛雨過
數峰橫翠入寒烟

三道河晚望

磧樹隱霧深
河流帶沙淺
不須朔吹高
先有飛蓬卷

黃草川

烟沙一片塞天圍
舊說秋高苜蓿肥
今日邊屯皆樂土
茅檐松火接金微

回鑾抵古北口

黃谷清河古戍間鑾車此日省方還長林曲抱千溪水
小徑斜通萬仞山地扼襟喉趨朔漠天留鎖鑰枕雄關
時平不用誇形勝雲物秋澄斥候閒

中秋日聞海上捷音

萬里扶桑早掛弓水犀軍指島門空來庭豈為修文德
柔遠初非黷武功牙帳受降秋色外羽林奏捷月明中
海隅久念蒼生困耕鑿從今九壤同

是夜對月再成絕句

明月中秋節馳書海外來自今天漢上萬里烟雲開

賜施烺詩并序

海氛之不靖艤舳出沒波濤震驚濱海居民魚鹽蠶
織耕穫之利咸失其業朕心恒憫惻焉邇者滇黔隴
蜀湖湘百粵悉底敕寧叢爾台灣阻險負固爾施烺
銜命徂征決策進取樓船所指將士一心遂克島門
迫其營窟勇以奪其氣誠以致其歸捷書到闕時值
中秋對此佳辰欣聞凱奏念瀛壖赤子獲登衽席用

紆南顧之憂惟爾丕績卽解是日所御之衣馳賜載
褒以詩

島嶼全軍入滄溟一戰收降帆來屬市露布徹龍樓上
將能宣力奇功本伐謀伏波名共美南紀盡安流

九日對菊

不與繁花競寒色晚更香數莖偏挺秀嘉爾傲風霜

秋日再過阜平

春經阜平縣夾道多榛杞雉堞久傾頽郭郭僅遺址耆

老遮馬前其言質且俚土硯願力田三時事耘耔所苦
井稅輸道遠越山水聞之切痛瘵寧爾在幹止有司近
拊循瘡痍庶能起十室忠信存何況境百里郊圻戒申
畫風土亦洵美問俗此重來居民咸色喜易彼蒿與萊
荒塗漸成市經野得良圖可以喻治理

再駐龍泉關

高臨晴雨外絕磴似凌空節物經冬異關山對月同龍
泉水未白雁塞葉初紅歷歷曾遊地杳臺在眼中

冬日重登清涼山

紫府名山憶舊蹤，招提駐蹕認雲松。
陰崖尚有春時雪，落日仍聽下界鐘。
塞遠渾河寒更白，林疎恒嶽翠逾重。
祝釐交叶人天慶，銀榜新題徧五峰。

詠馬

岐陽方較獵，驤裏盡龍媒。
仗下黃金勒，橫秋號逸材。

初冬自五臺回次日雪

鳴鑾多霽日，停旆雪紛紛。
色向寒初積，聲宜靜裏聞。
捲

簾山忽近掃石徑猶分却憶清涼界峰連萬壑雲

盆中橘實甚繁詠此

厥包禹貢自揚州作頌騷人楚澤留爭似青條朱實好
移來滿樹洞庭秋

台灣平告祀

孝陵有述

纘武平瀛海諏辰謁

寢陵翠微千嶂拱紫氣五雲凝

聖德光垂裕神謨大顯承乾坤資翕闢日月象升恒奕
世謳歌集多方歷數膺遠猶思燕翼盛業想龍興卉服
皆來享鯨波自此澄明禋稽舊典萬禩肅嘗蒸

聖祖仁皇帝御製文集卷三十八

欽定四庫全書

聖祖仁皇帝御製文集卷三十九目錄

古今體詩四十二首

玉河春水

後苑漫興

倣二王墨蹟

紫光閣

玉泉春曉

夜

玉蘭

觀苗無意到潭柘詠時景

櫻桃

流杯亭晚眺有懷

曉起再賦

夏日水雲榭聞梵聲

偶成

瀛臺

塞外省覽風俗

再至紅川避暑

紅川秋興

曉發虛谷

回鑾至鯖鬣口秋雨初霽對月

詠史四首

仇英青綠畫

東巡出都作

晾鷹臺集蒙古諸部落慰勞遣之

河間即古瀛州地

景州觀開福寺塔

次德州即事

九河故道

平原

渡濟水

巡幸東省黎庶擁馬瞻拜命訶警者弗禁得以
察其疾苦

趵突泉

登濟南城望華不注

登岱

百丈崖觀瀑

岱頂望月

汶水吟

蒙陰曉雪

沂水

渡黃河

欽定四庫全書

聖祖仁皇帝御製文集卷三十九

古今體詩四十二首

玉河春水

春回凍解玉河清
歛豔晴光繞鳳城
翠嶺雪消新漲闊
綠楊風動曉波平
派分星海千重遠
色映銀潢萬里明
欲挽朝宗無限水
徧流膏澤慰蒼生

後苑漫興

佳氣青蔥繞苑牆紅泉紫岫勝雲莊雕闌細草經春滿
綺閣繁花入午香雨露生成隨品類鳶魚飛躍自低昂
閒亭久坐渾無事靜對琴書覺意長

倣二王墨蹟

春暮芳菲滿禁林鸞箋暇展學來禽銀鈎運處須師古
象管揮時在正心案上露凝銅雀潤簾前花照墨池深
却思隸篆原義畫精理圖疇細討尋

紫光閣

政閒多豫日別館偶留連草綠含春氣花紅帶曉煙鳴
禽聽繞樹新水看浮船物理何曾息從容憶撫弦

玉泉春曉

郊墅初晴後芳春曙色旋孤鸞堆畫障細穴吐新泉浪
靜鮮鱗躍風恬紫葍妍怡情看萬象浩浩思無邊

夜

良夜觀圖史渾忘刻漏深月流金殿影花轉玉階陰追
琢崇民則居稽長道心緬懷皇古治四海遍謳吟

玉蘭

瓊姿本自江南種移向春光上苑栽
試比羣芳真皎潔冰心一片曉風開

觀苗無意到潭柘詠時景

晝永薰風至清泉泱泱長芳年添景色
遲日換流光舊竹隨堤發新花滿澗香
觀苗不覺晚微雨點衣裳

櫻桃

禁籞朱櫻曉露勻不須驛騎拂紅塵
芙蓉未賜千官會

寢廟春殘早薦新

流杯亭晚眺有懷

霽宇開初夏臨池晚景鮮
流觴觀宇宙列藉念桑田飛
絮緣牕起閒花傍檻妍
讀書新月下講道勉堯篇

曉起再賦

勝地堪修禊斯亭乃得名
頗饒松竹趣無待管絃聲
一水涵天象三陽暢物情
政餘耽靜賞吟罷聽流鶯

夏日水雲榭聞梵聲

水榭周遮積翠苔薰風拂處午雲開忽聽梵誦驚殘夢
疑是金繩覺路來

偶成

石岸衆芳靜斜陽柳色邊揮毫意獨遠魚躍在深淵

瀛臺

歲序開炎節離宮繞翠微蓮香聞講席柳色映垂衣物
阜風光好時清奏牘稀罷朝鵷鷺散花下珮聲歸

塞外省覽風俗

莫道巖關險要荒總一家戍樓無鼓角戰壘是桑麻野
靜知民樂時清見物華林中歸徑晚旌旆滿煙霞

再至紅川避暑

塞外留鑾蹕長林帳殿幽乍看南火厯已動北山秋露
冷輕葵簷花寒御綺裘重來欣勝賞斯地即丹邱

紅川秋興

俛視八方盡高天峻嶺分秋風起孤韻日色下溪雲

曉發虛谷

帷宮雨後納新涼
虛谷風來百草香
萬里晴雲任舒卷
憑高但見碧天長

回鑾至鰭鬣口秋雨初霽對月

纖月高林動輝輝
古塞長冰輪初濯
露桂影欲飄香鳥
鵲聲頻起關河色
共涼旌門吟眺遠
萬國自清光

咏史四首

鴻鈞運元氣萬彙無私恩
上德貴醇悶容覆如乾坤
熙康衢老作息循晨昏
耕鑿食其力安知帝德尊
在宥

物自理巧歷難為言下覽商周際頌聲亦已繁

其二

三田歲畢舉用以薦明禋聖王戒暴殄郊數遊麒麟虞
羅張復解原野氣已春六合豈不廣一面何逡巡毫都
百里間曠如天地仁寬政逮毛羽況乃蚩蚩民

其三

軒皇訪后牧相道光璿樞精誠契冥漠在古豈有誣巍
巍興王佐竟與夢寐符天意靖殷邦豈為榮一夫緬彼

耕莘叟後有版築徒試觀說命篇典則追三謨

其四

尚父抱竒略壯齡運不偶一竿清渭濱經綸在其手志
欲網九州吞舟非所取卜兆示先幾龍鵬載車後白旄
師既陳青社符還剖偉哉八百基肇自一釣叟

仇英青綠畫

流鶯百轉起煙槐細雨油雲點翠苔松竹青青山色靜
遊人倚杖尚徘徊

東巡出都作

閭闔來天風，玉仗排雙鳳。
喬嶽聳高標，巡方翠華動。

晾鷹臺集蒙古諸部落慰勞遣之

秋盡高原霽，景清遠人馬。
首頌巡行九經，自重懷柔意。
欲使遐陬識治平。

河間即古瀛州地

新霜來朔氣，納稼滿西疇。
省歛因農暇，觀風廓遠猷。
箕踞分燕野，輿地古瀛州。
駐轡郊垌外，斜陽下堞樓。

景州觀開福寺塔

湧塔高凌漢穹隆拱法筵虛鈴含遠籟密宇繞寒煙不
問三車法空勞七寶懸偶過成小憇漫比布金田

次德州即事

近郭人煙集遙天月上初新寒添夜漏不寐坐看書

九河故道

野樹迷深岸荒荆露淺沙還思乘四載豈效泛浮槎

平原

冬晴柳葉未落潦盡寒潭初清龍鑣千騎萬騎雁隊一聲兩聲

渡濟水

曉渡更臨濟水野風時捲霓旌幾曲寒流蕩漾十月輿梁始成

巡幸東省黎庶擁馬瞻拜命訶警者弗禁得以察其疾苦

東來端為重民生不事汾陰泰畤名井里儼存齊國俗

田疇還憶厯山耕
暫寬羽騎鈎陳衛
一任村童野老迎
敢道邇言勤
訪察止期治理得
輿情

酌突泉

十畝風潭曲亭間
駐羽旂鳴濤飄
素練迸水濺珠璣
汲杓旋烹鼎
侵階暗濕衣
似從銀漢落噴作瀑泉飛

登濟南城望華不注

百雉城臨濟水隈
雲山環拱接青萊
更看瘦削孤峰色
獨立亭亭秀作堆

登岱

巖巖岱嶽高無極攀陟遙登最上頭
路轉天門青靄合峰迴日觀白雲浮
振衣巖竦凌千仞騁目蒼茫辨九州
欲與臣鄰崇實政金泥玉檢不須留

百丈崖觀瀑

懸崖千尺響奔湍澗道嶒嶸動石瀾
彷彿清天有風雨松陰漠漠逼人寒

岱頂對月

夜宿喬岳顛縹緲近雲闕孤高絕塵翳天外見明月不
聞城市喧惟聽空籟發開軒肆遐覽萬象爭突兀對此
心悠然清夢自超越

汶水吟

汶水潺潺清似玉石澗縈紆行躑躅連山百里入萊蕪
松栢綿蒙冬尚綠

蒙陰曉雪

一片寒雲向曉封雪花應候慰三農馬蹄碎踏瓊瑤路

隔斷蒙山頂上峰

沂水

板橋緹騎度沙岸野舟移想像二三子浴沂春暮時

渡黃河

河流九曲迅飛鴻千里能施潤澤功
疏鑿遠懷神禹蹟
乘虛快覩滿帆風

聖祖仁皇帝御製文集卷三十九

欽定四庫全書

聖祖仁皇帝御製文集卷四十目錄

古今體詩三十四首

途次網得鮮魚馳進

兩宮兼志思慕之誠

晚經淮陰

平山堂

天寧寺

由儀真乘巨艦至京口

金山 并序

試中泠泉

妙高臺

鐵甕城

竹林禪院在潤州城南竹徑數里

夜過丹陽

途中覽皇太子倣書以示之

錫山

吳閭

虎邱

句容道上

雨花臺

幸報恩寺

駐蹕金陵以方物寄獻

兩宮

金陵舊紫禁城懷古

江寧駐蹕皇太子啟至請安兼報讀完四書

示江南大小諸吏

燕子磯夜泊

高郵湖見居民田廬多在水中因詢其故惻然
念之

閔河堤作

泉林寺即子在川上處

途中長至

過闕里

闕里古檜

晚到河間

太皇太后使人送乳餅食物

巡幸回宮內殿進講毛詩

原任總督于成龍居官清廉自古罕有特命諸

臣議卹以勵官方

薊城遇雪

讀左氏春秋作

欽定四庫全書

聖祖仁皇帝御製文集卷四十

古今體詩三十四首

途次網得鮮魚馳進

兩宮兼志思慕之誠

千里難承

玉陛歡鮮鱗網得勸加餐遙知長信開函日定荷

慈顏一笑看

晚經淮陰

淮水籠煙夜色橫
棲鴉不定樹頭鳴
紅燈十里帆檣滿
風送前舟奏樂聲

平山堂

宛轉平岡路向西
山堂遺構白雲低
簾前冬暖花仍發
簷外風高鳥亂啼
仙仗何嘗驚野夢
鳴鑣偶爾過幽棲
文章太守心偏憶

歐陽修自題平山堂詞有文章太守之句

墨灑龍香壁上

題

天寧寺

小艇沿流畫檣輕鹿園鐘磬有餘清門前一帶邦溝水
脈脈常含萬古情

由儀真乘巨艦至京口

長江萬里開鴻濛高檣巨楫乘艤艚儀真京口路百里
掛帆瞬息凌長風汀蘆洲樹看歷歷波恬浪闊光融融
湍流直下入滄海遠源上與岷峩通山川斷續合雲霧
日日照耀浮虛空舟行迅速疾飛駛恍聞擊鼓馮夷宮

施樓高據極觀眺奇縱豁達舒心曾年來江漢罷桴鼓
河海清宴絕戰攻舳艫閒繫沙岸側水師捲甲懸長弓
羽葆南巡渡揚子居安更念艱難功

金山并序

金山在大江中南眺潤州北臨瓜步登陟其上縱目
千里泱泱乎大觀也朕率扈從諸臣歷覽諸勝江山
之奇未有逾於此者

一覽江天勝東南勢盡收帆檣來極浦臺榭起中流路

出丹崖上煙同碧漢浮登臨豁心目浩蕩俯滄洲

試中泠泉

緩酌中泠水曾傳第一泉如能作霖雨霑灑遍山川

妙高臺

臺高絕衆鳥臨眺暢清襟渺渺沙洲樹青青遠岸峯波
濤巖下接洞壑檻邊深江水明如鏡彌徵天地心

鐵甕城

萬里晴江擁舳艫城高鐵甕接康衢遺銘欲探華陽蹟

舊宅難尋海岳圖
半面煙嵐雄北固
一方形勢控東吳
龍舟漫道巡行盛
多恐深居政未敷

竹林禪院在潤州城南竹徑數里

一徑入深竹數里
來上方叢生巖磴
密枝拂雲煙長華
旗出林際芝蓋停
三陽颯颯吹霜風
碧葉紛紛翔山齋
頗幽寂萬籟含虛
光觸物感予懷歌
彼淇澳章

夜過丹陽

錦纜徐牽夜未停
遙天煙靄淡疎星
居人兩岸明燈火

早是輕帆過驛亭

途中覽皇太子做書以示之

奎文一畫開天象保氏先教識六書筆勢須知貴嚴正
好將功力足三餘

錫山

朝遊惠山寺間飲惠山泉漱石流仍潔分池溜自圓松
間幽徑闢巖下小亭懸聊共羣工濯天真本浩然

吳閭

鳴鑾獨上高城望巷陌遙通水寺斜土俗惟知鬪歌舞
閭閻不解種桑麻烏啼茂苑千年樹霜冷吳宮十月花
聲教四方猶未訖願將淳樸變繁華

虎邱

小阜迴岡落照紅長廊曲榭構西東獨憐劒石潺湲水
霸業銷沉在此中

句容道上

漸入茅山境來當農暇時但看初日上未覺朔風吹碧

歛寒塘水紅垂野樹枝江南經幾郡民俗欲周知

雨花臺

何地飛花雨晴空無片雲江山恣遐矚草樹出清芬城郭參差見樓臺遠近分人家百萬戶煙火盡氤氲

幸報恩寺

鳳刹高懸上界燈珠缸壁帶一層層平臨下見諸天小
晴日江山萬里澄

駐蹕金陵以方物寄獻

兩宮

深宮違定省經月戀晨昏率土方為養蒼生共戴尊題
書千里重託物寸心存遣使旌門外踟躕望九閭

金陵舊紫禁城懷古

秣陵舊是圖王地此日鸞旗列隊過一代規模成往蹟
六朝興廢逐流波宮牆斷缺迷青瑣野水灣環剩玉河
治理艱勤重殷鑒斜陽衰草繫情多

江寧駐蹕皇太子啟至請安兼報讀完四書

先聖有庭訓所聞在詩禮雖然國與家為學無二理昨
者來江東相距三千里迢遙薊北雲念之不能已凌晨
發郵筒開緘字滿紙語語皆天真讀書畢四子齡年識
進修茲意良足喜還宜日就將無令有間止大禹惜寸
陰今當重分晷披卷慕古人即事探奧旨久久悅汝心
自得芻豢美

示江南大小諸吏

東南財賦地江左人文藪時巡歷此疆民事日探剖風

俗貴淳龐紛奢詎能久澄清屬大吏表率羣僚首郡縣
布慈和愷悌歌父母民者國之本生計在畎畝六府既
孔修三事安可後教化默轉移各須盡官守戶使敦詩
書人知崇孝友庶幾遠邇氓皞皞登仁壽誥誡申予懷
斯言慎不負

燕子磯夜泊

巍巍一片江頭石千載人傳燕子磯疑有鼉鼉藏窟宅
時聞鐘磬出山扉牙檣緩住寒煙淨羽衛周連夜火圍

沙岸聲聲動行漏蘆花深處雁驚飛

高郵湖見居民田廬多在水中因詢其故惻然念之

淮揚罹水災流波常浩浩龍艦偶經過一望類洲島田畝盡沉淪舍廬半傾倒甓甃赤子民栖栖臥深潦對之心惕然無策施襁褓夾岸羅黔黎踟躕陳進耆老謔諏不厭頻利弊細探討饑寒或有由良慚奉蒼顓古人念一夫何況覩枯槁凜凜夜不寐憂勤怒如擣亟圖濬治功

拯濟須及早會當復故業咸令樂懷保

閱河堤作

防河紆旰食六御出深宮緩轡求民隱臨流歎俗窮何
年樂稼穡此日是疏通已著勤勞意安瀾早奏功

泉林寺即子在川上處

偶從川上駐行旃密樹重林帶野煙俯仰古今成一轍
源泉晝夜尚涓涓

途中長至

旌門已報黃鐘節六琯葭飛律未殘黻黻占雲書太史
瑤瑤執玉憶郊壇陽升一綫宮中日永合重淵野外寒
景福

重闈應有慶晴光捧處是長安

過闕里

鸞輅來東魯先登夫子堂兩楹成俎豆數仞見宮牆道
統唐虞接儒宗洙泗長入門撫松柏瞻拜肅冠裳

闕里古檜

幹聳朱甍外根蟠碧殿阿竒文成左紐元氣挺孤柯瑞
與龜龍竝傳來歲月多徘徊看手澤不共劫灰磨

晚到河間

太皇太后使人送乳餅食物

綵旂晚駐瀛州道忽報銅龍騎使來心識

慈懷同日照口傳

溫語逐陽回松脂似截盤中玉綺食初和鼎內梅兩月
幾虛甘旨奉歸程欲聽曉鐘催

巡幸回宮內殿進講毛詩

丹雘繡戶拂寒霜靜讀毛詩意覺長討論一言窮六義
道心少悟愛斜陽

原任總督于成龍居官清廉自古罕有特命諸臣
議卹以勵官方

服官敦廉隅抗志貴孤潔敷歷著賢聲誰能茹荼檠况
復擁旌麾藜藿甘以悅視彼懸魚操於今尤峻烈東南
失保釐言念心如結江上見甘棠遺愛與人說卹典宜

優崇庶不負清節匪獨彰國常且以風在列

薊城遇雪

凍雲封樹薊城西玉蕊輕盈亂馬蹄憶想年年常過此
何曾瑞雪遍山谿

讀左氏春秋作

夫子維王道褒誅汗簡青千秋師鳳德三傳翼麟經義
理資參校丹鉛徹晝冥靜中欣悟入古訓是新銘

聖祖仁皇帝御製文集卷四十